

**Broj: 01-04-6-03062-6/22**  
**Sarajevo, 30.6.2022. godine**

Na osnovu čl. 100. st. (3), čl. 68. st. (4) t. i) i čl. 69. st. (1) t. b) Zakona o javnim nabavkama Bosne i Hercegovine („Službeni glasnik BiH“, broj 39/14), člana 21. Zakona o inspekcijama F BiH („Službene novine F BiH“, broj 73/14) i člana 200. Zakona o upravnom postupku F BiH („Službene novine FBiH“ br. 2/98 i 48/98) odlučujući po žalbi pravnog lica „Total trade“ d.o.o. Doboj izjavljenoj na tendresku dokumentaciju broj 01-04-6-03062/22 od 14.6.2022. godine, a nakon razmatranja preporuke Komisije za javne nabavke broj 01-04-6-03062-5/22 od 29.6.2022. godine, direktor Federalne Uprave za inspeksijske poslove donosi,

## **RJEŠENJE**

### **I**

Usvaja se žalba pravnog lica „Total trade“ d.o.o. Doboj od 24.6.2022. godine izjavljena na tendersku dokumentaciju broj 01-04-6-03062/22 od 14.6.2022. godine za nabavku usluga servisiranja i opravke službenih vozila FUZIP-e izvan garantnog roka, te se tenderska dokumentacija poništava.

### **II**

Poništava se postupak konkurentskog zahtjeva za dostavljanje ponuda za nabavku usluga servisiranja i opravke vozila Federalne uprave za inspeksijske poslove izvan garantnog roka, za koji je obavještenje broj 1292-7-2-12-3-10/22 objavljeno na portalu javnih nabavki BiH dana 14.6.2022. godine.

### **II**

Ovo rješenje će se u skladu sa odredbom člana 70. st. (6) Zakona o javnim nabavkama Bosne i Hercegovine objaviti na web stranici Federalne uprave za inspeksijske poslove.

## **Obrazloženje**

Federalna uprava za inspeksijske poslove kao Ugovorni organ je dana 14.6.2022. godine na portalu javnih nabavki objavila obavještenje o javnoj nabavci usluga servisiranja i opravke službenih vozila FUZIP-e izvan garantnog roka po postupku konkurentskog zahtjeva za dostavu ponuda, broj obavještenja 1292-7-2-12-3-10/22, te je istovremeno objavljena i tenderska dokumentacija za predmetnu nabavku broj 01-04-6-03062/22.

Dana 27.6.2022. godine Ugovorni organ je zaprimio žalbu pravnog lica „Total trade“ d.o.o. Doboj (u daljem tekstu: žalitelj) bez broja, koja je predata na poštu dana 24.6.2022. godine.

Žalbom se osporava zakonitost tenderske dokumentacije, a što žalitelj obrazlaže, kao u nastavku. Navodi da su odredbama tenderske dokumentacije prekršene odredbe člana 54. st. 9. ZJN na način što se definisanim uslovima iz tenderske dokumentacije kojima je kao uvjet propisano da ponuđač mora biti ovlašten serviser za bar jednu vrstu vozila iz voznog parka Ugovornog organa direktno upućuje na jednog ponuđača, odnosno ovlaštenog servisera vozila, čime se po mišljenju žalitelja krši navedena odredba ZJN, kao i načelo konkurentnosti, jer se zahtjevanjem ovlaštenog servisera eliminišu ponuđači koji nisu ovlašteni serviseri. Dalje navodi da se ovakvim postupanjem diskriminiraju i ponuđači koji imaju mogućnost pružanja usluge opravke vozila na savremenim uređajima i alatima i sa obučanim kadrom, a nisu ovlašteni serviseri. Isto tako žalitelj tvrdi da bi se ovakvi uslovi mogli smatrati opravdanim u slučaju da su vozila u garantnom roku, a da obzirom da su vozila van garantnog roka isti nemaju nikakvog smisla. Na kraju predlaže Ugovornom organu da žalbu usvoji i donese odluku kojom će poništiti tendersku dokumentaciju.

Žalba je dopuštena, blagovremena i izjavljena od ovlaštene osobe.  
Žalba je osnovana.

Ugovorni organ je nakon prijema žalbe i njenog razmatranja, prvenstveno zauzeo stav da je ista neosnovana, te je u tom smislu svojim aktom broj 01-04-6-03062-4/22 od 29.6.2022. godine ponuđače putem portala javnih nabavki obavjestio da se postupak nabavke odgađa do donošenja odluke Ureda za razmatranje žalbi, shodno članu 110. ZJN.

Naknadnim razmatranjem i izvršenim uvidom u rješenja Ureda za razmatranje žalbi BiH broj JN2-03-07-1-2013-9/20 od 17.9.2020. godine i JN2-03-07-1-1733-7/20 od 27.8.2020. godine, Ugovorni organ je konstatovao da je Ured u navedenim predmetima u kojima se radilo o istoj pravnoj situaciji usvajao žalbe i poništavao tendersku dokumentaciju, uz obrazloženje da je ista nezakonita, iz razloga što ugovorni organi nisu primjenili odredbe čl. 54. st. (9) i (10) ZJN, a što su bili obavezni učiniti.

Slijedom prednjih konstatacija, Komisija za javne nabavke Ugovornog organa je sačinila Preporuku broj 01-04-6-03062-5/22 od 29.6.2022. godine, kojom je direktoru Ugovornog organa predložila da donese rješenje kao u dispozitivu, jer je potpuno izvjesno da bi u skladu sa ranije zauzetim stavom Ured za razmatranje žalbi usvojio i žalbu žalitelja i poništio tendersku dokumentaciju.

Usvajanjem žalbe od strane Ugovornog organa će se stvoriti mogućnosti da tenderska dokumentacija u kratkom roku bude izmjenjena u osporenom dijelu i pokrenut ponovni postupak, a također će se izbjeći dodatni troškovi do kojih bi doveo žalbeni postupak pred Uredom za razmatranje žalbi.

Nakon razmatranja dostavljene preporuke Direktor Federalne uprave za inspekcijske poslove nije našao razloge koji bi eventualno predstavljali osnov za neprihvatanje iste, te je odlučio kao u dispozitivu.

#### **Pouka o pravnom lijeku:**

Protiv ovog rješenja može se izjaviti žalba Uredu za razmatranje žalbi u roku od 5 (pet) dana od dana prijema istog. Žalba se izjavljuje putem Ugovornog organa.

  
**DIREKTOR**  
Anis Ajdinović

#### **Dostaviti**

1. „Total trade“ d.o.o. Doboj, Krnjinske srpske brigade 102, 74000 Doboj (Žalitelj)
2. Ponuđači koji su preuzeli tendersku dokumentaciju (x9)
3. Sektor za materijalno-finansijske poslove
4. Sektor za tehničku podršku i plansko-analitičke poslove
5. Komisija za javne nabavke (a/a).